

ՀԱՅԿԱԿԱՆ ԱԶԳԱՆՈՒՆՆԵՐԻ ԿԱՌՈՒՅՎԱԾՔԸ

Յուրաքանչյուր անձնանուն և մասնավորապես ազգանուն բառ է, ուստի կարող է ենթարկվել բառակազմական քննության:

Լեզվական միավորի բառակազմական քննության համար ընտրում ենք ձևությամբ վերլուծության եղանակը, որը կիրառվել է մեր կողմից ժամանակակից հայերենի բառի կառուցվածքը ուսումնասիրելիս¹:

Հայտնի է բառի կառուցվածքի ուսումնասիրության երկու ուղի՝ բառակազմական և ձևությաբանական: Առաջինի նպատակն է վեր հանել տվյալ լեզվի զարգացման որևէ փուլում գործող բառակազմական կաղապարները: Այսպես, հայկական ազգանվան բառակազմական քննությունը հանգեցնում է ազգանվանակերտ հիմք + ազգանվանակերտ ածանց կաղապարին:

Մյուս ուղին բառի ձևությամբ վերլուծությունն է, որի արդյունքը հանգում է նվազագույն իմաստակիր միավորների ձևային վերհամամանը: Այստեղ հետազա քննության հետանկարները նկատելիորեն մեծանում են, քանի որ հնարավորություն է ստեղծվում, ի թիվս այլ խնդիրների, նկարագրել նաև ձևային զուգորդումը: Ձևությամբ վերլուծությունը չի բացառում բառակազմական, քանի որ ձևությաբանորեն վերլուծվում է վերը ներկայացված բառակազմական կաղապարը: Այս դեպքում մեծակաղապարի սահմաններում վեր են հանվում հնարավոր մանրակաղապարներ: Այսպես, Աշուղ-աթոյան, Արծաթագործյան, Խաղաղորդյան, Միրզաթուխյան, Պետրոսյան ազգանունները, ինչպես նաև հայկական մյուս բոլոր ազգանունները հանգում են վերը հիշատակված բառակազմական կաղապարին՝ ազգանվանական հիմք + ածանց, մինչդեռ հիմքերը, մասնավորապես բերված օրինակների, ներկայանում են իբրև մանրակաղապարներ /Աշուղ-աթ-ո/ +յան, /Արծաթա-գործ/ +յան, / Խաղաղ-որդ/ +յան, /Միրզա-թուխ/ +յան, Պետրոս +յան: Ընդ որում մանրակաղապարի սահմաններում ձևային կազմն ու փոխհարաբերությունը տվյալ օրինակներում չեն կրկնվում՝ Աշուղաթոյան-ուղեկցող բառ+անձնանվան կոչական տարբերակ + /-յան/, Արծաթագործյան-գործ ածանցակերտով «գործող անձ» նշանակությամբ բառ + /-յան/, Միրզաթուխյան – ուղեկցող բառ + անձնանվան բարբառային տարբերակ + /-յան/, Պետրոսյան – անձնանուն + /-յան/: Ձևությամբ վերլուծության դեպքում հայկական ավելի քան 15 իսկապ ազգանունները կարելի է հանգեցնել սահմանափակ քանակով հիմքատիպերի:

Թվարկված առանձնահատկությունները, որ քննադրում էին բառակազմությունը և ձևությամբ վերլուծությունը, համակարգի ու նորմայի միջև եղած երևույթներ են: Այսպես, համակարգը սահմանում է, որ հայկական ազգանունը կազմվում է բառից /ազգանվանական հիմքից/ ավելացնելով ազգանվանակերտ ածանց: Այսքանով համակարգի սահմաններն ավարտվում են: Նրա ընձեռած հնարավորությունները

նորման կարող է յուրովի տնօրինել: Այս դեպքում առկա են ինչպես լեզվական, այնպես էլ արտալեզվական գործոններ: Այսպես, հայտնի է, որ անձնանունը ազգանվանակերտ ընդհանրական հիմք է: Այս երևույթը տիպաբանական ընդհանրույթ է, որը հայերենում կարող է տարբեր դրսևորումներ ունենալ: Այսպես, Ալբերտ անձնանվան գործածությունը մեզանում սկսվել է մի քանի տասնամյակ առաջ, իսկ Բաբկեն անձնանվան առաջին վկայությունները կապվում են II-III դդ. հետ. Սակայն մեր ազգանուններում Ալբերտյան ազգանուն կա, իսկ Բաբկենյան ոչ: Այսպես տեղանվանական հիմքերով ազգանունները հայերենում կազմվում են հետևյալ կադապարով՝ տեղանուն + /-ցի/ + ազգանվանակերտ ածանց. Սևանցյան, սակայն ինչպես ցույց են տալիս փաստերը, XIX դ. 70-80-ական թթ. տեղանվանական -ցի ածանցը հաճախ ընկնում էր՝ երևանյան, Ալաշկերտյան, Թիֆլիսյան: Առաջադրված խնդիրների լուծումը պահանջում է մի դեպքում /Ալբերտյան - Բաբկենյան/ արտալեզվական գործոնների վերհանում, մյուս դեպքում զուտ լեզվաբանական /հնչյունաբանական/:

Հայկական ազգանվան ձևության Վերլուծությունը սկսում ենք աջից բառի վերջից: Օգտվելով երկատման աշխատանքային մեթոդից՝ հատույթավորման առաջին քայլում ստանում ենք -յան, -յանց, -ունի, -ենց, -ունց, -անց ձևակները, որոնց խմբավորվում են «ազգանվանակերտ ածանց» ձևության մեջ: Սրան հակադրվող հատվածը, որ կոչվում ենք «ազգանվանական հիմք», աջից հետևողական երկատման դեպքում կարող է տալ հետևյալ կարգի ձևակներ

ա) Անձնանուն, որ միավորվում է «անձնանվան ամփոփ կամ բառարանային դրսևորում» ձևության մեջ Աբրահամ, Գրիգոր, Գևորգ, Դանիել: Այս կարգի միավորները ձևության վերլուծության տեսակետից սահմանային են:

բ) -ենց, -ունց, -ինց, -ունի. Մալ-ենց-յան, Վարդ- ունց-յան, Մակ- ինց- յան, Մանդակ-ունի/ի/-յան: Առանձնացված ձևակները միավորվում են «տոհմանվանական ածանց» ձևության մեջ: Ազգանվանակերտ և տոհմանվանակերտ ձևայինների փոխհարաբերությանն անդրադառնալիս անհրաժեշտ է նշել, որ այս դեպքում ազգանունն անվանակազմական երկրորդ քայլի արդյունք է:

գ) Տեղանուն, որ միավորվում է «տեղանվան անփոփոխ կամ բառարանային դրսևորում» ձևության մեջ և ինչպես ա) կետում նշված դեպքերում, սահմանային է Մանանդ-յան, Շարուր-յան, Տարոն-յան:

դ) -գործ, -իչ, -արար, -որդ, -ճի, /-ջի, -չի/. Արծաթա-գործ-յան, Սափոր-իչ-յան, Արծ-արար-յան, Խաղաղ-որդ-յան, Ղոնդուրծա-ջի/ի/-յան: Առանձնացված ածանցները միավորվում են «գործող անձ» . «արհեստավոր» իմաստով ձևության մեջ

ե) -ցի/ի, -լի/. Շատախ-ց-յան, Ավագ-լ-յան: Միավորվում են «տեղանվանակերտ ածանց» ձևության մեջ, որին նախորդող հատվածն առանց քաջառության տեղանուն է:

զ) -ո, -ե. Բար-ո-յան, Գար-ե-յան – միավորվում է «անձնանվան կոչական ձև սեռող ածանց» ձևության մեջ:

է) -իկ, -ուկ. Ազատ-իկ-յան, Գար-ուշ-յան, Սաք-ուկ-յան: Առկա է «անձնանվան փառաքչական տարբերակ սեռող ածանց» ձևություն:

ը) Ազգանվանական ածանցին կարող են անմիջապես նախորդել այնպիսի բա-

դադրիչներ, որոնց առկայությունը պայմանավորված է քառակազմական երրորդ քայլի արդյունքում ստացված հատվածների քվանդակությամբ:

Խոսքը վերաբերում է -խան, -բեկ, -միրզա, -բաշի, -զադե, ինչպես նաև -ջան, -զյուլ, -օղլ/ի/. -ում բաղադրիչներին Ազատ-խան-յան, Սմիր-խան-յան, Սուրադ-բեկ-յան և Ադա-բեկ-յան, Ադամիրզա/յան, Իզիթ-բաշ-յան, Չեքիմ-բաշ-յան:

Ելնելով վերը շարադրվածից իրեն ձևությանին վերլուծության ելակետ ընտրվել է գծային հատույթավորման սկզբունքը:

Նման մոտեցման դեպքում առանձնանում են արմատական և քառակազմական ձևակներ:

Քառակազմական ձևակները միօրինակ չեն: Այստեղ առաջին հերթին տարբերում ենք սահմանային միավորները ազգանվանակերտ ածանցները: Առանձին խումբ են կազմում անձնանվանական մյուս ածանցները -ո, -ե, -իկ, -ուշ, -ունի: Սահմանազատվում են նաև զուտ քառակազմական ածանցները՝ -արար, -ավոր, -իչ, -ուստ, -ակ և այլն: Գննվելով ձևությանական վերլուծության վերը շարադրված սկզբունքի վրա՝ կատարենք ձևակների գործառական դասակարգումը:

Ա₁ - ուղղական հոլով ոչ բաղադրյալ անձնանուն և տեղանուն անվիտիդիսակներ՝ Արշակ-յան, Մարիամ-յան, Սասուն-յան, Ջահուկ-յան,

Ա₂ - ուղղական հոլով ոչ բաղադրյալ հասարակ անուններ, որոնք վկայված են քառարաններում՝ Դովիդ-յան, Դարբին-յան, Պարոն-յան, Եպիսկոպոս-յան,

Ա₃ - ազատ /անկախ/ ձևավորված հիմք . որը կարող է հանգել Ա₁ և Ա₂-ին Գզրյան /գզիր/, Գրիգ-յան /Գրիգոր/, Դավթ-յան /Դավիթ/,

Ա₄ - կապված /կախյալ/ հիմք, որ կարող է գործառել միայն որևէ ձևության Ա_ա-ի հետ զուգորդության դեպքում Ակ-ունց-յան, Սալ-ենց-յան, Սակ-ինց-յան, Ամատ-ուն/ի/-յան, Աֆ-յան, Դա-յան, Դուս-յան, Ըղծ-ակ-յան:

Ա₅ - անձնանվան կոչական տարբերակի հիմքեր: Զանդես են գալիս -ո, -ե, -ի կոչականակերտ ածանցների զուգորդությամբ: Զանախ նույնանում են Ա₄-ի հետ. սակայն դրսևորվում են նաև իբրև Ա₁-ի «առաջին փակ վանկ» Բարո-ո-յան /Բարունակ, Բարեղամ/, Գար-ե-յան /Գարեգին/, Աս-ո-յան /Աստվածատուր, Ասատուր/, Թուն-ի-յան /Դարություն/,

Ա₆ - անձնանվան քիաղաքական տարբերակի հիմքեր: Զանդես են գալիս -իկ, -ուշ, -ուկ ածանցների զուգորդությամբ: Այս հիմքը կարող է հանդնկնել Ա₁ - ի /Ազատ-իկ-յան, Դանիել-իկ-յան/ և Ա₄ - ի /Բադդ-իկ յան, Գարուշ-յան, Մաք-ուկ-յան/ հետ:

ա - սահմանային ազգանվանակերտ ածանց: Առկա է թուր կառուցատիպերում, բացառությամբ Ա₁ և Ա₁ա₁ - ի: Այն աջից հատույթավորվող առաջին ձևության է: Այս շարքին են դասվում՝ -յան, -յանց -ունի, -ական, -ունց, -ոնց, -անց, -ունց /Սար-ունց/ ածանցները:

ա₁ - ձևության, որոնք եռակի քնույթ ունեն, կարող են հանդես գալ.

1. զուգորդման որևէ անձնանվան հետ՝ Աինաս-բեկ-յան, Բեկ-մուրադ-յան, Պարոն-Վարդյան, Վարդպարոնյան, Աելիք-Ավետիսյան, Տեր-Պետրոսյան,

2. ինքնուրույն՝ Բեկյան, Պարոնյան, Սելիքյան, Տերյան,

3 միմյանց զուգորդմամբ՝ Մելիքբեկյան, Միրզաջանյան, Սմիրզադյան, Յաջիբեկյան, Աղաջանյան: Վերջիններիս առանձնահատկություններից մեկն այն է, որ մասնավոր դեպքերում կարող են հանդես գալ իբրև ինքնուրույն անձնանուններ, հետևաբար անձնանուն-ազգանվանակերտ հիմքեր:

ա₂ – ձևությամբ, որոնք իբրև ածանց հանդես են գալիս հայերենի հասարակ անուններում՝ -իկ, -ակ, -ուկ, -արար, -ուժ, -ական, -ավոր, -ան, -ուստ, -իչ, -ուն: Այս կարգի ձևություններն օրինաչափորեն զուգորդվում են Ա₂, Ա₃ տիպի հիմքերի հետ, իսկ երբ ա₂ -ը ան-մախաժանցն է, ապա նաև Ա₄ -ի հետ:

ա₃ – անձնանվան /հիմքի/ փաղաքշական տարբերակ կերտող ածանցներ՝ -իկ, -ուշ, -ուկ:

ա₄ – անձնանվան /հիմքի/ կոչական տարբերակ կերտող ածանցներ՝ -ո, -ե,

ա₅ – այլ մարդանուններ կերտող այնպիսի ածանցներ, որոնք հանդես են գալիս ա-ից առաջ Բագրատ-ունի/-յան, Մալ-ունց-յան, Պապով-յան, Խաչ-ենց-յան:

Ասվածների հիման վրա կազմվել է մի աղյուսակ, ուր ներկայացված են հայկական ազգանունների կառուցատիպերը համաժամանակյա կտրվածքով:

Օգտվելով աղյուսակի ընձեռած հնարավորություններից՝ ներկայացնենք հայկական ազգանունների բացարձակ մեծամասնությանը հատուկ տարրը՝ ազգանվանակերտ ածանցը:

1	2	3
1	Ա,	Աբով, Բախանքար, Բեչեկ, Թոչար
2	Ա,ա,	Դանիել-բեկ
3	Ա,ա	Աբգարյան, Սանուկյան, Սիմոնյան, Արտամետյան, Երզնկյան, Երևանյան, Կարինյան
4	Ա,ա	Բրուտյան, Դարբինյան, Եպիսկոպոսյան, Երեցյան, Գովիկյան, Պարոնյան, Վարպետյան
5	Ա,ա	Գգրյան, Գրիգյան, Դավթյան
6	Ա,ա	Արյան, Աղյան, Ատրուհ, Գարյան, Զալյան, Զեդյան
7	Ա,ա,ա	Ազատիկյան, Արևիկյան, Դանիելիկյան
8	Ա,ա,ա	Գարուշյան Գեուշյան Գիգուշյան, Զազուկյան, Սաքուկյան
9	Ա,ա,ա	Բավթյան, Բղդեյան, Բողոյան, Դավոյան, Զաքեյան, Զաքոյան, Կամոյան
10	Ա,ա,ա	Արշակունյան, Բազրատունյան
11	Ա,ա,ա	Ամատունյան, Պապովյան
12	Ա,ա,ա	Եսաբանյան, Օհանբեկյան
13	Ա,ա,ա	Գուրգենբեկյան, Գևորգջանյան, Մարիամջանյան, Սինաբեկյան, Սուրադխանյան, Ղալիբաղյան, Գևորգբեկյան
14	Ա,ա,ա	Առնակյան, Բնիկյան, Եզնիկյան, Եղնուկյան, Ըղծակյան
15	Ա,ա,ա	Ախցիսեյան, Գգրարյան, Դատավորյան, Զամբարծումյան, Սկրտումյան, Նազանյան, Ներկարարյան, Շատվորյան, Պատվականյան, Տոնականյան, Փոխստարյան
16	ա,Ա,ա	Անպետյան, Անտաշյան
17	ա,Ա,ա	Բեկ-Յոզնեփյան, Գյուլեհեհանֆիսյան, Կարա-Գևորգյան, Զաքի-Գևորգյան, Սեփե-Ավետիսյան, Սիրզա-Ավագյան, Շահնուրադյան, Զիլավագյան, Պարոն-Վարդանյան, Սարգսեփոսյան, Տեղ-Դավթյան
18	Ա,Ա,ա	Աթոռակալյան, Արծաթագործյան, Արծաթալանյան, Գանձապետյան, Ժամագործյան, Թուխայրյան, Զաքագործյան, Զաքոփյան, Սազմանյան, Մաքսապետյան, Զախմախապյան
19	Ա,Ա,ա	Փայտահատյան, Զարակոփյան, Զարհանյան, Զարտաշյան Գինեգործյան, Կոշակալարյան, Զրադյան, Զրաշյան
20	Ա,Ա,ա	Մաշկակալարյան, Զրպետյան, Տիրատուրյան
21	Ա,Ա,ա	Զրաշյան
22	Ա,ա,ա,ա	Աստվածատուրյան, Բարիլուսյան, Խաժակյան, Խաշատուրյան
23	ա,Ա,ա,ա	Գալստյան
24	Ա,ա,ա,ա	Անհասկանալյան, Անմեղիկյան
25	Ա,Ա,ա,ա	Գևորգյան
26	ա,Ա,ա,ա	Աշուղաթոյան, Խոջագործյան
27	Ա,Ա,ա,ա,ա	Անթեքեյան, Անժարակյան
28	ա,ա	Զրադաքալանյան
29	ա,ա,ա	Բեկյան, Խոջայան Աղագուկյան, Աղագաղյան, Աղախանյան, Աղամեփեյան, Աղամիրյան, Աղավկյան, Աղափիրյան, Ամիրբեկյան, Ամիրջանյան, Բեկջանյան, Խոջաջանյան, Սեփեբեկյան, Սեփեքանյան, Սիրզաքանյան, Սարիբեկյան, Վեփեքանյան

Ինչպես նշվել է, հայկական ազգանունները կազմվում են ազգանվանակերտ հիմք + ազգանվանակերտ ածանց կաղապարով: Այս դեպքում -յան-ը հանդես է գալիս իբրև ընդհանրական ածանց: Բավական է ասել, որ այսօր հայկական ազգանունների մոտ 96%-ը ձևավորված է այդ ածանցով, և միայն շուրջ 4%-ը՝ այլ ածանցներով: Ածանցազուրկ ազգանունները միայն մի քանիսն են՝ Դանիել-բեկ, Աբով, Բալանթար, Քեչեկ, Քոչար, որոնք կրողների վկայությամբ նախապես հանդես են եկել իբրև կեղծանուններ և ազգանվան ուժ ձեռք են բերել ավելի ուշ, միայն այն ժամանակ, երբ կրողների հետնորդները ժառանգել են դրանք իբրև ազգանուն: Հայկական ազգանուններում -յան-ով ձևերի կողքին հանդիպում են -յանց, -ունի, -ենց, -ունց, -անց, -ունք ածանցներով ձևավորված դեպքեր, ինչպես նաև ազգանունների մի խումբ, որ կազմված է ազգանվանական հիմք + /-ունի, -ենց, -ունի, -անց, -ով/ + /-յան/ կաղապարով: Ազգանունների այս խմբում առկա է մարդանվանական գործընթացի երկու հաջորդական քայլ:

Իր արգասավորությամբ -յան ածանցին հաջորդում է -յանցը: Այդպիսով քննությունը ցույց է տալիս, որ -յանց-ով ձևերը գոյատևել և մեզ են հասել գլխավորապես Հայաստանից դուրս ապրող հայերի շնորհիվ: Մեր բարոտարանում տեղ են գտել ավելի քան 60 -յանց-ով ձևեր: Կարծում ենք, որ ցուցակը կարող է համալրվել մոր փաստերով, և նման ձևերը կհասնեն լավագույն դեպքում 100-ի: Ավելացնենք նաև, որ մեր ունեցած -յանց-ով գրեթե բոլոր ձևերն ունեն առանց -ց-ի կամ -յան-ով զուգահեռներ՝ Ամատունյանց-Ամատունյան, Ասոյանց-Ասոյան, Արոյանց-Արոյան, Բարաթյանց-Բարաթյան, Բիծյանց-Բիծյան, Գաղանց-Գաղան, Դավիթյանց-Դավիթյան, Դանդուրյանց-Դանդուրյան, Էրեմյանց-Էրեմյան, Լալայանց-Լալայան, Հակոբյանց-Հակոբյան, Հայրուհյանց-Հայրուհյան, Հարությունյանց-Հարությունյան, Հունանյանց-Հունանյան, Սախաթյանց-Սախաթյան, Մինասյանց-Մինասյան, Միքայելյանց-Միքայելյան, Տարասյանց-Տարասյան, Տեր-Ղազարյանց-Տեր-Ղազարյան, Պետրոսյանց-Պետրոսյան, Սիրունյանց-Սիրունյան:

Մեր նյութերում առանց -ց-ի կամ -յան-ով իրենց զուգահեռները չունեն հետևյալ ազգանունները՝ Ակուլյանց, Աղաչարդյանց, Էկոյանց, Թոթովյանց, Ջնթլումյանց, Կուտոյանց: Առկա են նաև -ունց, -անց, -ենց, -ոնց ածանցներով կազմություններ: Նշված ազգանվանակերտ ածանցները գրական և բարբառային -ունք, -անք, -եք, -ենք ածանցներով կազմված գոյականների սեռական հոլովածի վերջավորություններն են: Պատկանելություն, սերում ցույց տալու իրենց ունակությամբ այդ հոլովածները գործածության շատ մեծ հաճախականություն են ունեցել ամբողջ խոսքում և աստիճանաբար վեր են ածվել անձի անվանման բանաձևի անդամի, իսկ ավելի ուշ՝ Հայաստանի որոշ վայրերում, ժամանակորապես զորիսում և նրա շրջակայքում բարձրացել են ազգանվան աստիճանի: Այսօր էլ Հայաստանի գյուղական վայրերում զգալի տարածում ունեն գերդաստանի նման անունները:

Ինչպես և պետք էր սպասել, մեր ունեցած ավելի քան յոթամասուն դեպքի մեջ գերակշռող բարբառային -ունց, մնացածը -ոնց, -անց ածանցներն են: Բավական է ասել, որ գրական -ենց ածանցով ունենք նաև Բազենց, Բրուտենց, Խանենց, Աալենց, Սանկասարենց, Սարտենց ձևերը: Օրինակ Արունց, Ադոնց, Ադունց, Աթասունց, Ակ-

լունց, Սկունց, Սյունց, Բաղունց, Բալունց, Բակունց, Բուլունց, Բոլունց, Բուլանց, Բրզանունց, Գարունց, Գիլունց, Գյազունց, Գոզունց, Դաղունց, Դաջունց, Դայանց, Դինունց, Դիլունց, Դուլունց, Թաթունց, Թելունց, Թոնունց, Թրվանց, Խոսունց, Խեչունց, Խոյլունց, Խոսունց, Խունունց, Ծանվերանց, Կյազանց, Զախունց, Զյուսունց, Զովունց, Դավալարունց, Գավալարունց, Դլեչունց, Դուղրունց, Մաղունց, Մալունց, Մակինց, Մակունց, Մովնանց, Մոնտունց, Շաշունց, Շեզունց, Շեկունց, Զոպչունց, Զանունց, Սաթունց, Սակունց, Սնեցունց, Սևունց, Վանդունց, Տոնունց, Զյարունց, Ֆոտունց, Ֆիռունց, Ֆիրունց: Եշված շերտի վերաբերյալ կարելի է ավելացնել նաև այն, որ ազգանվանական հիմքերը մեծ մասամբ կոճատված միավանկեր են, և թերևս հենց այդ պատճառով դժվարությամբ են մեկնաբանվում և ստուգաբանվում:

Ազգանունների այս խմբի մեջ նկատվում են միևնույն հիմքից տարբեր ածանցներով կազմություններ Աղունց-Աղունց, Մալենց-Մալունց, Մակինց-Մակունց: Մեր նյութերում տեղ են գտել նաև -ունց և -ունց ածանցներով հետևյալ եզակի օրինակներ՝ Թրոնց, Ատրունց: Վերջիններս ներկայացված են ուղղակի հոլովածով: Այդ ազգանունների սեռական հոլովածով տարբերակները մեր քարտարաձևում բացակայում են:

Հայկական տոհմանվանական ածանցներից միայն -ունի-ով ձևերն են տեղ գտել մեր ազգանունների շարքում /մոտ 40/: Եղածներից ոչ բոլորն են, որ իրենց արմատներով հասնում են մեր ժողովրդի վաղ անցյալին. առանձնացված փաստերի մի մասը որոշակիորեն նորակազմություն է՝ Ակունցի, Սստունցի, Մտրունցի, Սրամունցի, Բենունցի, Գերունցի, Գոխտունցի, Թրունցի, Զերունցի, Հայկազունցի, Հայկունցի, Զիտունցի, Վարդունցի, Զաջունցի: Այլ կերպ ասած՝ ազգանունների զանգվածային ձևավորման շրջանում -ունի ածանցը ևս հանդես է բերել որոշ արգասավորություն. -ունի-ով կազմված ազգանունները ձևաբանական առանձնահատկություն ևս ունեն: Ըստ ժամանակակից հայերենի հոլովման օրինաչափության դրանք ենթարկվում են «ու» հոլովման:

Որոշ վերապահությամբ այստեղ դիտարկում ենք նաև կրկնակ մարդանվանական ածանց ունեցող ազգանունները: Ըստ մեր նյութերի՝ հայկական ազգանուններից մոտ հիսունի ազգանվանակերտ -յան ածանցին նախորդում են -ունց, -ենց, -ինց, -ունի, ինչպես նաև փոխառյալ -ով ածանցները: Ազգանունների զանգվածային ձևավորման նախնական փուլում հայերի ազգանունները սերվել են նաև -ով ածանցով, սակայն այդ գործընթացը կարճ կյանք ունեցավ, քանի որ ազգանունների սերման բնիկ հայկական կաղապարները շատ արագ վերջնական քաղաքացիություն ստացան: Այդ ածանցով ձևերը փոխարինվեցին հայկականով, սակայն որոշ դեպքերում, պարզապես եղած փոխառյալ կաղապարի վրա ավելացվեց -յանը՝ Դավիթովյան, Պապովյան, Պապովիչյան, Պրոտոպապովյան:

Կրկնակ ածանցով մյուս ձևերից հատկապես տարածված են -ունց + /-յան/ կաղապարով սերման դեպքերը՝ Ակունցյան, Բաղունցյան, Բուլունցյան, Թաթունցյան, Խաչունցյան, Զախունցյան, Զովունցյան, Մազունցյան, Մալունցյան, Մակունցյան, Մանուցյան, Վարդունցյան, Վարունցյան: Այս խմբի մյուս ածանցներով կազմությունները ներկայացված են հետևյալ ազգանուններով՝ Մալենցյան, Մալինցյան, Մակինցյան, Մալինցյան, Տառենցյան, Տատինցյան, Խաչենցյան: Օրինակների մեծ մասը

հանդես է գալիս իբրև -ունց-ով ձևերի տարբերակ Մալունցյան-Մալենցյան, Մալինցյան, Մակունցյան, Մակինցյան, Խաչունցյան-Խաչենցյան: Եշենց նաև, որ կրկնակ ածանցներով այս ենթաշերտի ազգանունների մի մասը ներկայացված է իր զուգահեռ առանց -յան-ի ձևերով Սկունցյան-Սկունց, Մալունցյան-Մալունց, Մակունցյան-Մակունց, Թաթունցյան-Թաթունց, Մալենցյան-Մալենց, Մակինցյան-Մակինց: Իսկ -ունի + /-յան/ կադապարը ներկայացված է հետևյալ ազգանուններով՝ Ամատունյան, նաև Ամատունյանց, Արծրունյան, Արշակունյան, Բագրատունյան, Բզունյան, Գնթունյան, Գնունյան, նաև Կնունյանց, Խորխորունյան, Մանդակունյան, Ռշտունյան:

Ոչ անձնանուն հիմքերով ազգանունների գերակշռությունն ի հայտ է գալիս ոչ միայն կառուցատիպերի համադրության դեպքում, այլև նյութի վիճակագրության միջոցով, և տարածում գտած այն պատկերացումը, որ հայկական ազգանունը, մեծ մասամբ, հանգում է անձնանվանը, իրավացի է մասնակիորեն: Իրոք, անձնանվանական հիմքերով ազգանունները հեշտությամբ ստուգաբանվում են, հաճախական են, սակայն այդքանը բավական չէ հապճեպ եզրակացությունների հանգելու համար:

Ծանոթագրություններ

1. Տ.Մ. Սվետիայան, ժամանակակից հայերենի քառի կառուցվածքը, «Հայոց լեզվի կառուցվածքը», ՀՍՄՀ ԳԱ Խրատարակչություն, Երևան, 1975:
2. Այս բնագավառում մեր կատարած նախնական հետազոտությունները վկայում են, որ հայկական մարդանունների այս շերտը կազմում է առանձին ենթահամակարգ և կարող է դառնալ հատուկ ուսումնասիրության առարկա:
3. Այդ ազգանունները կրողների հետ զրույցները ևս մեզ բերել են այն համոզման, որ ազգանվանակազմական հիմքերի իմաստները մեծ մասամբ մթազման են:
4. Չենք քննում Պասկևիչյան ազգանունը, քանի որ այստեղ առկա է անձնանուն՝ Պասկևիչ-յան կադապարը:
5. Գործ ունենք հնչյունափոխված տարբերակի հետ, որ առաք է եկել հնչյունական անվան հետևանքով Սանունց-Սանունցյան:

T. АВЕТИСЯН

СТРУКТУРА АРМЯНСКИХ ФАМИЛИЙ

Статья посвящена исследованию структуры основ армянских фамилий по принципам, разработанным самим автором (см. Т. Аветисян, Структура слова в современном армянском языке. В кн.: Структура армянского языка, Ер., 1970, на арм. яз.). Выявлены, в частности, структурные типы, характеризующие своеобразие армянских фамилий.

T. AVETISYAN

THE STRUCTURE OF ARMENIAN SURNAMES

The article is devoted to the study of the Armenian surnames according to the principles elaborated by the author in one of his previous research. Particularly, the characteristic structural types of the Armenian surnames are defined